

خزانه محاکمه

پازار ايرتسی

نومرو	محررم	سنه	تموز	سنه	حقیقه
۷۱۶	۱۷	۱۳۱۱	۱۹	۱۳۰۹	۲۰۵۷۳

(اشوغزته بهر هفته جمعه ايرتسی کونلری جیقار . سنه لکی در سعادت ایچون مجیدیه یکر می غروش)
 (حسابیه التمش غروشدر . طشره لر ایچون اون بش غروش پوسته اجرتی ضم اولنور . بهر)
 (نسخه سی ینه مجیدیه یکر می غروش اولق اوزره یوز پاره به هر یرده صاتیلور . درج اولنه جق)
 (اعلاناک هر برندن بر مجیدیه اخذ اولنور . سنه لکنه مشتری اولق استیانتلر عدلیه نظارتی)
 (داتره سنده کائن جریده محاکم اداره سنه مراجعت ایلملیدر)

و شرکتک اسرارینی کیمسه یه فاش ایتماک اوزره
 داخل اولانلره یمین تکلیف ایلدیکنی کندوسی اقرار
 ایلدیکی کبی مرقومک شرکتک مؤسس لرندن اولدیغنی
 دخی مخبرون مرقوموندن قزاروسیان کیرکور
 ودایی اوغلی عراقک اخبار ایتملری ومظنون
 مرقوموندن سنان اوغلی ارشاق دخی داخل
 فساد اولدیغنی ورشونی وماردیروس ایله فساد
 داتر مذاکرانده بولندیغنی اولاه صراحة و عند
 الاستنطاق مؤلاً اقرار ایلمش اولدیغنی کبی
 مرقومک مفاسد مذکورہ نک مشوق و مرتبلرندن

(اقره ولایتی استیناق محکمه سی جزا)
 (داتره سندن اعطا اولنوب بوکره محکمه تمیز)
 (جانبندن تصدیق قلنان بر قطعه اعلام ضبطنامه)
 (سنک بروجہ زیر مابعدی)

اولدینک کذاک مرقومان بچاقچی اوغلی جوان وکل ارتین اوغلی قره بت طرفلرندن اخبار ایلدیگی و مظلونلردن قزاروسیان کیرکور دخی مضبوط افاده سنده داخل فساد اولدیغی وقاصه دفتری یدنده بولندیغی اعتراف و بچاقچی اوغلی جوانک دخی بوجهی اخبار ایللمری ودایی اوغلی اواکل دخی مرقوم کیرکورک جمعیت فسادیه خدمتکاری اولدیغی وطوپلانان پاره لک یدنده بولندیغی بیان و اخبار ایللمکه بولنمسی وکل ارتین اوغلی قره بت دخی سنان اوغلی ارشاقک دعوتی اوزرینه برکره سربیک قادینک خانه سنه کیدوب رشتونی ایل کورشدیکنی و مرقومک افکاره ضربه ایللمدن اولمسیله اورادن قالقوب بردها مرقومی کورمدیکنی و الحاصل داخل شرکت اولدیغی سویلیور سده مرقومک سنان اوغلی ارشاقله برابر شرکت فسادیه بی تشکیل ایدنلردن اولدیغی بچاقچی اوغلی مرقوم جوانک سویلمسی ودایی اوغلی عراق کل شرکت فسادیه دخوانی انکار اتمکه ایسه ده انجق اشنودیان نامیله مکتب ارقداشارندن اون کشی شرکت عقد ایلدکیرینی وهفته ده بشر اونر پاره ویرمک اوزره قرار ویردکیرینی بیان ایتسنه واشودیان لقبی ارمیلر

زعنجیه ارمنی ازلرندن بریسنگ نامی اولسنه نظراً تشکیلی اعتراف ایلدکیری شرکتک شرکت فسادیه شعبه سی اولدیغی درکار اولسی و مرقومک شرکت مذکوره اسامی دفتربی کندوسی طوتدیغی کبی شرکتک طوپلانان پاره سیله سلاح الله جعی حقتده کی تصورلرینک کیسه یه سویلنامسی ایچون وارنوق اوغلی قاپریل طرفدن تکلیف اولنان یمینی قبول ایلدیکنی و شرکت مذکوره قاصه دفتربی کندو یدنده اولدیغی و مذکور دفتربه محرر مبالغ واسامی صحیفه لرینی اخیراً حکومت سینه نک الله حکما مک اوزره نحو واضاعه ایلدیکنی اعتراف و اقرار و مرقومک شرکت مذکوره نظامنامه سی دخی یدنده بولندیغی بچاقچی اوغلی جوانک بیان ایلسی کبی سرد اولنان اخبارات و اوراق تحقیقه ده مندرج دلائل و امارات سائر ایله تحقیق ایتش و بناء علیه مرقومون وارنوق اوغلی قاپریل و سنان اوغلی ارشاق و قزاروس اوغلی کیرکور ودایی اوغلی عراق کل وکل قره بت اوغلی آرتین و بچاقچی اوغلی جوان و سیرپیک قادینک قانون جزانک الی سکنجی ماده سی فقره اولسنه و ۲۹ نیسان سنه ۳۰۹ تاریخ و اون طقوز رقی مضبوطه نک خلاصه مفادی دخی مظلون مرقوموندن قالجی موشو عند الاستنطاق مرقوم محقین کیرکور

و باقاریان اوخانس و فطوغرافچی کیمه جیان میساق و کباچیان سینه کریم ایلله یافته وقوعاتی کوندوزی سینه کریمک خانه سنده برلشهرک اوراده ویردکیری قرار اوزرینه او کیمه یافته لر یخاقیان کیرکور و آتش اوغلی میکه و افه مهران واسطه لر یله توزیع ایتدکیرینی و بویافته لک نره دن کلدیکنی کندوسی بیلیوب میساقک بیلکده اولدیغی و بویافته لک توزیعنده اوچ هیئتک رأی اولوب او هیئتلردن برنجی هیئت مظلونلردن پاپاسیان اغوب جان و کوهریان میساق و اطامیان خریطون و سخاقیان کیروی و انقیه جیان دیقرا و پاپاسیان خپار سوم کاتبی سخاق و کیمه جیان میساق و باقاریان اوخانس و انجیه اغوبیان اغوب و بربریان روین افندیلر اولوب پاپاسیان ابریم افندی بی شبهه لی صورتده بیلکده اولدیغی و ایکنجی هیئت دخی بربریان نظر و آسازیان پرونک و قزاز ماطیوس و قزاز منایل و دونکیان میساق و دونکیان حریق و باقله یان نظر و عربیان ارتاکی و لوچنجی هیئت دخی کولیان علکسان و قپریل و محقین کیرکور و بقال کوشکر اوغلی قزاروس و کباچیان سینه کریم و اوغورلیان خپار سومدن عبارت اولوب اوغورلیان خپار سومی شبهه لی بیلدیکنی و کندوسی هیئت ثلثه میاننده رؤسا و اعضادن معدود اولیوب افراددن ایدوکنی و کندوسی کبی اوچ بشیوز کشی ده اولدیغی و بونک فوقنده ده بر هیئت بولنمسی محتمل بولندیغی و بوقومیتیه داخل

اولان افراد دار اغاجنه کلسه لر بیله اسراری افشا ایتیه جکیری یولنده ویردکیری امضالی سندلرک کیمه جیان میساقک یدنده بولمقده اولدیغی و بوقومیتیه داخل اوللره ساحلی بولملری هیئت طرفدن نصیحت ایلدیکنی و بوقومیتیه مقصدی اختلال چیقارمق اولدیغی و بوقومیتیه داخل اوللردن اصولاری اوزره بر مقدار پاره اندیغی سویلمسی و کباچیان سینه کریم کلیاً انکارده بولنمش ایسه ده فطوغرافچی میساق طرفدن دخی نفس یوزغاده بوجهی افرادی کباچیان سینه کریم و باقاریان اوخانس و قالجی موشو و کوشکر اوغلی قزاروسدن عبارت اولوب مرقومونک ویردکیری قرار اوزرینه کندوسی مبعوثاً مرزیفونه کیدوب مرزیفونده ارمنی ملتندن طومه یان قره بت نام مستعاری منه نک تحت ریاستده تشکل ایدن قومیتیه امامیه دن اصل اسمی بیلهمدیکی نام مستعاری اشد و توقاددن پوتراک و سیواسدن ارزونی و چورمدن قیصر نام مستعار الاسامی اشخاص حاضر اولدقیری حاده اور و پالیلرک رأی لرینه مراجعتله ملت ایچنده اتفاق حاصل ایتدیرمکه چالشمسی یولنده تنبیهات و وصایا اجرا سیله بوبابده دخی تعلیماتی صکره دن کوندره - جکینی سویلدیکنی و اوچ درت آی صکره مذکور

یافته‌ها را با ورود او قودق‌ننده صوک درجه‌ده
قورقوب تا آخر نشرینه قرار و بر مشلر ایسه‌ده
تا کیدی حاوی منه دن الدق‌لری وعادت‌لری وجهله
احراق ایتدکلری مکتوبده مذکور یافته‌لر نشر
وتعلیق ایلدیکلی حالده اعدام جزاسیله مجازات
اوله جفی کوستلدیکندن چاره‌سز یافته‌لری نشر
وتعلیق ایتدکلری و کندوسنک نام مستعار ی زاره
اولدینی کبی چوروم و سنقورلی ارمنی مبعوثلرندن
برینک اسمی عطار پلانجیان قره‌بت و نام مستعاری
امروب ایدوکنی و صورت حرکتلرینه دایر
بر نظامنامه اولوب کبابجیان سینه کریمک نزدنده
محفوظ ایدیه‌ده یاق‌دق‌لری و بو هدیانه‌لر
مظنونلرندن قزاروس محاقیان واسطه‌سیله کندیسینه
کلوب لاجل‌التعلیق کوشکر اوغلی قزاروس و اتش
اوغلی میکه و محاقیان کیرک‌ور واسطه‌سیله نشر وتعلیق
اولندینی و سینه کریم ایله میساقک محو ایتدکلری
نظامنامه سکر اون بند دن عبارت اولوب
ارمنیجه یازی وارمنی لسانیه لوندیده باصلمش
وزیرنده مهری اولدینی و بوقومیتنه ک اسمی
کوچک ارمنستان خنچاقیان اختلال شرکتی
ایدوکنی و مرزیفونده بونام التنده مهر بولندینی
ویافته‌لرک نشر نده کی مقصدی بیلمدیکنی سولیمسی
واخیراً دخی مرزیفون جمعیت فسادیه رئیس

طومه‌یان قره‌بت اتشای مذاکراتده ایراد ایلدیکلی
بر مقاله‌ده انکلتزده غلادستون و امریقاده
جس برلیس و یونانده اسمنی بیلهمدیکلی بریسی
ارمنیلر بکلک ایسته‌یورلر ایسه‌ده بوحالده اوله‌من
انلر بیوجک برغانه چیقارمیلرلر بمضیلری
کسملی اصلمی اسلاملر ایله طوتشملی که بزده
اولوقت ایچنه کیروب بونلرک مقصدلری حاصل
ایتمکه چالیشلم یوقسه میدانده برشی یوق ایکن
برشی اوله‌من دیمش اولدینی مرزیفونده ایکن
مرقوم طومه‌یان قره‌بتدن ایتدیکلی و مؤخرأ
یوزغاده عودتنده جمعیتک اتفاق حقنده مرزیفونندن
بر نظامنامه کلش ایسه‌ده بالاخره سینه کریم ایله
کندوسی احراق ایتدکلری و یوزغاد جمعیت
فسادیه‌سی افرادینک اسمی دفتری کبابجیان
سینه کریمک نزدنده بولنقده اولدینی و خنچاقیان
غزته‌سی مرزیفونندن بعضاً کندوسنه و بعضاً
سینه کریم و موشویه کلکده اولدینی و بوغزته
ارمنی اسانیله لوندیده طبع ایلدیکده بولندینی
ذکر و بیان ایلیمسی ثالثاً دخی وقوعبولان سؤاله
جواباً بوندن درت آی اول ارسلا نیان ابریم
کندوسی یوزغاده ارمنی کلیسا سنده بر اوطیه
چاغروب یوزغاددن مرزیفونه بر آدم ایسته‌مشلر
مبعوثاً سن کیده جکسن ملت مجلس جسمانیسنده

بویله قرار ویرلدی دیمسی اوزرینه مبعوثاً
مرزیفونه کتدیکلی و حکومت علیهنه قیام ایچون
کوندریله جک تعلیماته اطاعتله اجرا اولمسی بولنده
تلقی ایلدیکلی تنیهاتی کلوب ابریم اغایه سولیدیکلی
و بو هدیانه‌لرک و رودنده ایکی دانه سنی ابریم
اغایه اراشه و تسلیم ایدرک بش اون کون صکره
نشر وتعلیق ایلدیلری ایچون قرار ویردکلری
ابریم اغا سولیمسی اوزرینه توزیع ایتدیردیکلی
و مرقوم ابریم کندوسنک مبعوثاً مرزیفونه
کیتیمسی حقنده یوزغاد ارمنی ملتی مجلس جسمانیسی
مهر یله مهور و اشبو مجلسک کاتبی عوادیس
یازوسیله بر قرار کوسروب بوقرارک مفادی ابریم
اغانک اخوتنر سلامتی حقنده ویره جکی تعلیماته
اطاعته بورجلیسکر مآلندن عبارت اولدینی
و مذکور مهر مجلس مزبور رئیس خیار سوم اغا
یدنده بولنقده ایدوکنی و مذکور قرار ی عادت‌لری
وجهله بعد القرائه محو واضاعه ایلدکلری و بو
هیئت فسادیه حکومت معرفتیه کشف اولدینی
تقدیرده ملت طرفندن او هیئتک یرینه دیگر
هیئت کچرک وظیفه‌سی ایفایه دوام ایده جکی
و مقصد اصلی اخلال آسایش ایدوکنی افاده
ایتمسی ۱۶ کانون‌نانی سنه ۳۰۸ تاریخلو خط دستیه
محرر ویرش اولدینی اخبارنامه سنده دخی افادات

سابقه‌سی تأیید ایلیمش اولمسی و مرقوم موشو
و میساقک مفاسد مذکور مشوق و مرتبلرندن
و مذکور یافته‌لری یوزغاده جلب و توزیع و نشر
وتعلیق ایدنلرندن اولدق‌لری مرتبه وضوحه
ایصال ایلدیکلی مثللو کرچه مرقوماندن ماعداسی
انکار جرم ایلمکده ایسه‌لرده مرقومان فطوغرافی
میساق و قالبی موشونک اخبارات مشروح‌لرینه
و روش تحقیقاته نظراً مظنونون مرقوم‌وندن
آبقاریان اوخانس و کبابجیان سینه کریم و محاقیان
کیرک‌ور و افه مهران و کوشکر اوغلی قزاروسک
دخی افعال مبعوثه مشوق و مرتبلرندن اولدق‌لری
واصل مرتبه نبوت اولمش اولدیفندن مرقومون
قالبی اوغلی موشو و کچه‌جیان میساق و ابقاریان
اوخانس و کبابجیان سینه کریم و اتش اوغلی میکه
و محاقیان کیرک‌ور و افه مهران و کوشکر اوغلی
قزاروسک قانون جزانک الی سکرنجی ماده‌سک
فقره اولیسنه ۲۸ نیشان سنه ۳۰۹ تاریخ و اون
درت نومرولی مضبوطه‌نک خلاصه مآلی ده چورملی
دره قم اوغلی اصوادره ایلک دفعه مظنون
مرقوموندن ساعتی اوغلی خنچاطور و مارقوس
اوغلی اوخانس و جنون اوغلی سحاق و جلم قره
بت اوغلی بغوص و ایکنجی دفعه دخی توتونجی
عیسانک ابریم و بوجور اوغلی کیرک‌ور و ابیس

ارتینک مغر و اوکسوز اوغلی قالوست و مارقوس
اوغلی ارتین و اوچنجی دفعه ده تین اوغلی بدروس
و چورکچی اوغلی اوخانس و دره قم اوغلی قره بت
و چه جه نک پارسینخ و دردیجی دفعه اوله رق
دخی ییل اوغلی ارتین و کل قراق اوغلی اغوب
مختلف محل وزمانده جلب و دعوتله کنديسنه
خطاباً بزم براتفاقر وارد سند داخل اوله سن
برقیر ادمسک سنی بسلیلم بکک قزاق ایچون
صندیغمز وار هر درلو فداکارلق ایده جکر هر
بر لریمز بکک سلاح و کورجی البسه سی حاضر
لادق برکونده اسلام اوزرینه هجوم ایده جکر
سکاده البسه و سلاح و یرلم استدیكک ادمی یانکه
آل اشقیالق ایت هم چو جقسلرک کچسون هم
صندیغمزه و یررسن بزکندی باشمزه دکلز بزی
بیوکر طوتیور ایکی خانلی قریه لده اتفاق
ایتدی سنده بزمه برابر اول یکدیگریمزه سند
و یرلم دیهرک وقوعبولان تکلیفلرینی قبول
ایتمدیکنی واق قاس اوغلی عوادیس و تین اوغلی
سروپی و لورد اوغلی قصارپارده بو اتفاقده داخل
بولندقلرینی و چورمه اوراق مضره توزیع و تعلیق
اولندینی اخشامیده مظنون مرقوموندن تین
اوغلی بدروسله جنون اوغلی سحاق کورجی
البسه سیله اسب سوار اولدقلری حالد شوسه
طریقندن کچرلرکن کوردیکی و مرقومانک جمعیت
فسادیه افرادندن اولدقلرینی بیلدیکندن چورم
قائمقاملغه خبر و یردیکنی و خانه لری تحری
اولنور ایسه اسلحه و البسه و اوراق مضره بولنه
جغنی دخی درمیان ایلمسی و مرقومان جنون
اوغلی سحاق و تین اوغلی بدروسک اخشامه
یقین کورجی البسه لی و آتلی اولدقلری حالد
اصوادرک خبر و یردیکی شوسه اوزرندن کچده
کلرینی کوردیکی زولام اوغلی قارلو دخی
سویلمش و مظنون مرقومون دره قم اوغلی
اصوادره اولان تشویق و تکلیفلرینی انکار
ایدیورلر ایسه ده تشویقات واقعه ابتدا طرفندن
وقوعبولش اولان حاجی خچاطور اصوادرک
کوزی اغریدنفسدن علاج و یردیکنی معترف
بولنش اولسی و مظنون مرقومونک اجرا قلنان
استنظارلرنده یکدیگرینه مابین افادانده بولنلری
دلالتیه مرقوموندن ساعتی اوغلی خچاطورک
جمعیت فسادیه نک تشکیلی ایچون ترتیب و تشویقه
بولندینی و تین اوغلی بدروس ایله جنون اوغلی
سحاقک دخی اوراق مضره یی توزیع و تعلیق
ایلمش اولدقلری مرتبه ثبوت و اصل اولمش
وبناء علیه مرقومون خچاطور و تین اوغلی
بدروس و جنون اوغلی سحاق افعال مذکورده نک

فاعلی اولق اوزره قانون جزانک حرکتلرینه
تماس ایدن الی سکرنجی ماده سنک فقره اولسی
حکمنه توفیقاً جنایتله اتهاملرینه قرار و یردیکنی
وز کراولنان اتهاملر مؤداسی مضابط مذکور
موجباً رنج مرقومونک جنایتله اتهام اولدقلرینی
مختویدر .

قانون مذکور ایکی یوز التمش التنجی
ماده سنه توفیقاً اتهاملرک خلاصه لری متهملر
تفهیم اولندینی متعاقباً مدعی عمومی عارف بک
تفصیل و تشریح دعوایه بالا بتدار التیوز سنه -
دنبرو نعمت عظمای سلطنت سنیه و عاطفت علیای
دولت علیه ایله پرورده و مستعم اوله رق زیرجناب
مستلزم الفلاح سلطنت سنیه ده مستظل امن و امان
و نائل رفاه و راحت و سامان اولان ارمنی تبعه
شاهانه سی سایه معدلتوایه جناب ظل اللهیده
شمدییه قدر سائر تبعه صادق ملوکانه وجهله
ملیت، قومیت، حریت، دیانت، عقائد و لسانلرینی
محافظه ایتمش و هر درلو تعرضات مادیه و معنویه دن
مصون و محفوظ قالمش اولدینی و ممالک محروسه
المسالک جناب ملکداریدن بولندقلری قصبه
و مملکت و قضا و قریه سنده جسم معابد عالی مکاتب

مشید کنائس روحانی مجلسلری اولدینی حالد
هر نه صکی آمال و افکاره منی ایسه بعض
بدخواهان دولت و سلطنتک تسویلات
غرضکارانه و القاآت ابله فریبانه لرینه قاپیلهرق
مملک محروسه شاهانه نک ارمنی مسکون بولنان
قصبات و جهاتنده اره صبره بعض اشخاصک دآب
عبودیت و ادب تابعیتیه منافی اوله جق حرکات
و تدابیر مفسد تکارانه یه تشبیلری نظر تأسقله
مشاهده اولنمقده و بوجهت انظار عمومیه ده
کفران نعمت صورتیه کور لمکده اولدینی کی
بعض جرائم و جنایات ایشاعنه سیبیت و یرمکده
اولدیندن حکومت سنیه نک دقتی و بوکی آمال
و اعمال سیئیه اشتراکلری اولیان ارمنی تبعه
صادقه شاهانه عقلاسنک تاثر و حجاتلرینی موجب
اولمقده اولدینی معلوم اوله رق بوکی تصورات
فاسده و خیالات کاسده کیفیاتی شمدی قرائت
اولنان انقره هیئت اتهامیه سی مضابطی ایله
اتهاملر مندرجاتندن دخی مستبان اولدینی
وجهله بر جوق جرائم فضیحه و جنایات فجیعه
ایله مطلوب و ملتزم عالی اولان انضباط و امنیت
داخلیه و آسایش و راحت عمومییه یی اخلاص باعث
اولوب از جمله کچن بیک اوچوز سکر سنه سی
شهر کانون اولنک یکرمی بشنجی جمعه کیجه سی

مرزيفون كرك تنوس عزيزيه امامسيه كمش
 حاجي كوي چورم يوزغاد بوغازيان قيصر يه
 دوه لوافكره تلاس طاولسون استغنه بلاكسه برون
 كوز كرمير مانجسون قصبات وقرالزنده بعض
 جوامع شريفه واماكن ميره واسلام خانلري
 ديوار و قبولرينه بري كوچك و بري بيوك
 قطعه ده مطبوع ايكيشر قطعه يافته تعليق اولتمش
 و كوچك يافته نك مال هذيان اشتمالي ذات قدسيت
 سمات حضرت پادشاهي ايله حق مقدس هايوني
 عليهنده فضاحت لسانيه ونفوهات هرزه كويانه يي
 و « اسلام وطنپرور قوميتيه سي » امضاي ساخته
 نمانسي حاوي بولتمش وديكر بيوكي دخی « هر
 امراضه دوا اولان وبتون دنيا ده شان وشهرت
 بولان مشهور هند معالجه سيد » عنوانيله بر
 طاقم ايهامات فساديه و تحريكات اختلايه يي
 متضمن و « اهل اسلامك سلامتي آرايان
 هندستانيلر » امضاي اختراع نمانسي محتوي
 كورلمش و مذكور ورقپاره لرك كرك روش افاده
 و كرك طرز املا وانشا و مندرجاتندن دخی
 مستبان اولدني وجهله بر مسلم طرفندن ترتيب
 ايدلماش اولدني هويدا اولوب زير اقام قدسيت
 اتسام خلافت عظماده اريكه پيراي معدلت اولوب لسان
 شرع شريفده ظل الله خليفه الله خليفه رسول الله
 عنوان قدسيت بياني حائر اولان والسنة تبعه

مسلمينده امير المؤمنين امام المسلمين ظل الله في العالمين
 القاب تعظيمات نصاب شريفه سيله نام قدسيت اتسام
 هايونلري بادي فرائض مقدسه دينيه دن اولدني
 اعتقاد ايدن تبعه صادقه مسلمنه نك دكل تبعه
 صادقه غير مسلمنه نك دخی بويولده بر فضيحه
 خاطر و خياللرندن كچه ميه جيكي بديهي و روشنا
 اولوب اولباده اجرا قلتمش اولان تحريات
 وعريض وعميق تدقيقات و تحقيقاته مذكور
 هذياننامه لر آتنده متمكن بولنان ارمني حنچاقيان
 اختلال طرفداراني طرفلرندن ترتيب ايدليكي
 اشبو وقوعاتندن بر قاج ماه اقدم اوروپاده طبع
 ونشر اولتمده اولان ارمني العبارة حنچاقيان
 غزته سنده حرفيآ مندرج اولسي دلالتيله ثابت ورو نما
 اولمش و مذكور هذياننامه بر منوال مشروح
 حنچاقيان اختلال قوميتيه سي طرفندن بالترتيب
 مقدمه اختلال و اعلان عصيان مقامنده نشر
 و تعليق ايدلمش اولدني واشبو اختلال
 قوميتيه لر ينك صورت تشكلي بخته كلنجه عمومه
 معلوم اولدني وجهله بونندن چند سنه اقدم
 بر طاقم جراثم و جنبايات عادي و سياسي ايله مظنون
 اوله رق اوروپايه صاوشمش اولان بر قاج ارمني
 جانيلري دولت عليه و حكومت سنيه عليهنه
 مارسلياده لوندرده اسويچرده اتنده غزته
 ناميله بر ورقپاره مفتریات تأسيس ايدرك كويا

ارمني لره ممالك محروسه شاهانه ده تعديت اجرا
 نلتمقده اولدني ادعاي كاذبي ايله بر طاقم
 خلاف واقع وقوعات اختراع ويا بعض ارمني
 اشقيالري طرفندن اسلام و كورجي البسه سيله
 اوتنده بروده ايضاً ايدلان افعال شقاوتكارانه يي
 اهالي اسلاميه طرفندن ايضاً ايدلمش صورتنده
 كوستروب اويولده بر طاقم مقالات نشر و اعلانيه
 اذهان ساده دلاني تشويش و افكار اجاني تخديش
 ايله ياحقايق احوالي محاكمه دن عاجز و قاصر ويا
 كندولري كي پنجه قانون عدالتدن فرار ايله
 غائب و خاسر اوللردن برر فساد قوميتيه سي
 تشكيل ايدلكلري فساد قوميتيه لر ينك اناطولي
 نالك محروسه شاهانه سنده دخی برر شعبه سي
 تأسيس ايلمك اوزر دپاداش فساد اولان ارقداشلرندن
 بر طاقم اشخاص مضريه يي ممالك محروسه اعزام
 و تسريب ايله بونلرك بر قسمي افكار مضره لر يي
 ابتدا نورسيدكان اطفاله تلقين ايله ذهني
 تسميم ايلمك اوزره اكثريا بعض اجانبك تحت
 حمايه سنده بولنان مكاتبه خواجالك صفتيله دخول
 و بر قسمي دخی سياحت و تجارت و وعظ و نصيحت
 صفتلريه ممالك محروسه ده كشت گذار ايدرك
 جهلاً و يا جبليه مستعد فساد اولانلرك ذهني
 تخم اختلال القايه سي ايدرك بوضورتله تأسيسلرينه

موفق اولدكلري جمعيات فساديه نك اك مهمي
 مرزيفون جمعيت فساديه سي اولدني وقوعات
 اخيره و تحقيقات واقعه ايله ثابت اولمش ايدوكي
 و مذكور مرزيفون جمعيتك حين محاكمه ده
 ابراز و قرائت اولنه جق اوراق مفاد لرندن دخی
 مستفاد اوله جني وجهله كوچك ارمنستان ايالت
 مقرى و حنچاقيان اختلال طرفداراني قوميتيه سي
 مركزي ناميله توسيم و اولصورته مهر حك ايله
 نشر و تعاطي اولنان اوراق مضره تختم ايدليكي
 كي انقره و سيواس ولايتلرنده بولنان لوا و قضا
 و قريه لري مرزيفون تابع عد ايدرك انلره تأسيس
 ايدلكلري قوميتيه لري مرزيفون ملحق واندن
 الاجقلى اواصر و تعليماتي انفاذه مأمور عد
 ايدلمش و مرزيفون قوميتيه سي اوروپاده بولنان
 قوميتيه لرك مركز مخبرات و واسطه تبليغ اواصر
 و تعليماتي اتخاذا ايدلمش و مرزيفون قوميتيه سندن
 ۲۶ تشرين اول ۱۸۹۲ تاريخيله قيصر يه قوميتيه
 سنه كوندلرش اولان مكتوبه لفا ارسال ايديلوب
 در دست اولنان تعليمات فساديه ده اوقه جني
 وجهله مرزيفون قوميتيه سنه ملحق شعبه لر دن
 مرسل مبعوثلردن مركب اولق و سنه ده ايكي
 دفعه تجمع ايلمك اوزره بر مجلس عمومي ناميله
 بر مجمع فساد تشكيل ايدلمش و مجمع مذكور
 ايلك دفعه اوله رق الافرانقه بيك سكر يوز

طقسان ایکی سنه سی ایولونک برنجی کونی
کشاد ایدیلرک اون مبعوثدن مرکب اولدینی
حالده عقد اجتماع ایتیش و مبعوثلر مرزیفوندن
بارون واهرام سیواسدن بارون ارزونی توقاددن
بارون باتورق اماسیه دن بارون آشود یوزغاددن
بارون قاریج قیصریه دن بارون راند چورمدن
بارون قیس سنقورلیدن بارون آمروب حاجی
کوبندن بارون ویچن نام مستعار الاسامی
اشخاصدن عبارت واشخاص مرقومه نك اسامی
حقیقه لرینک بر قسمی اوزاق تحقیقه ده مندرج
بولنمش وجمع مذکورک اوچ کون دوام ایدن
مذاکرات و مباحثاتنده بر طاقم تدابیر فسادیه
سویلشیلوب قرارلشدیرلدینی کبی اتفاق آرا ایله
مرزیفون امریکا مکتبی خواجه لرندن طومه یانک
بارون منه عنوانیه رئیس و قیایان اوخانس بارون
واهرام عنوانیه باش کاتب انتخاب ایدلش و مجلس
مذکور مقرراتی ایکی قسمه تقسیم ایله بریسی
عائی و بریسی خفی طوتیلوب مقررات الی ماده دن
عبارت اوله رق برنجیسی کوچک ارمنستان ولایتک
هیئت متفقه سی یکوچود اوله رق شعبه مأمورلرینی
هر وجهله محافظه مأمور اولسی و عزیزایشلرینک
ایرولسی و شعبه لرک احوالی تفتیش ایچون سیار
مفتیشی چیقارلسی و هیئتک حکمی التنده کوچک

ایدنامسنی و اجتماع زه انلرینک غیرینده دخی
هر نه وقت آرزو اولنورسه مرکز هیئتی شعبه
مأمورلرینی جاب و دعوت ایده بیلرسی موادینی
شامل بولنمش وجمع مذکورک مقررات خفیه
سیله ایقاعی تصور اولنان جنایات عظیمه نك صورت
ایفا واجراسنه متعلق اولق حسیله اسرارمده شه
اولق اوزره مکتوم طوتلمش اولدینی و مرزیفون
قومیه سنه تابع اولق اوزره انقره و سیواس
ولایتلری داخلنده بر منوال محرر تشکل ایدن
جمعیات فسادیه اون بش شعبه دن عبارت اوله رق
قیصریه یوزغاد دودلو طلاس افکره تنوس عزیزیه
کرک حاجی کوی چورم توقاد اماسیه سنقورلی
سیواس کورری قضبات و قرارلنده متشکل بولدینی
و جمعیت مذکوره افرادی طرفندن امنیت داخلیه
دولت علیه یی اخلال واهالی و تبعه صادقینی اضلال
واغفال ایله سلطنت سنیه علیه نه مسلحاً عصیان
دعوت ایتک و بو صورتله ممالک محروسه
شاهانه نك بر قسمی اداره دولتدن چیقاروب
ارمنستان نامیه بر حکومت مستقله
تشکیل ایلمک اوزره درت قسمه منقسم اوله رق
بر جوق جرائم و جنایات ایقاع ایدیلوب برنجی
قسمی بالمله جرائم و جنایاتک اساس واصلی و سبب
مستقلی اولان ارمنستان تشکیلی خیالات واهیه سیله

فساد قومیه لرینک تشکیلی و ایکنجی قسمی سلطنت
سنیه و حکومت عثمانیه علیه نه نشر و تعلیق ایدیلان
مارالبیان یافته لر اوچنجی قسمی قطاع طریق
صفیله نهب اموال و قتل نفوس ایله دولتک تحت
ضمان و کفالتنده بولنان پوستلره تسلط و نقودینی
اخذ و غضب جرائم و جنایات فجیعه و مدهشه سی
دردنجی قسمی دخی اختلال و عصیانک توسیع
واتشارینک تهیه اسبابی ضمانته اجرا قتلان
تشبیهات و مخبرات مضره کیفیاتی اولوب جمعیت
فسادیه یی تشکیلی و یافته لری ترتیب و محال لازمه یه
ارسال و تسریب جنایاتیه متهم اولان ارباب فسادک
رؤسا و مشوق و مؤسس لری طومه یان قره بت
و قیایان اوخانس و اندون رشتونی و پاپاس طانیل
و جواهر جیان روپن و دوکمه جیان پارسبیخ
والاچه جیان قره بت و جی دلیکیان اغوب و قالبچی
موشو و کچه جیان میساق و ابقاریان اوخانس
و کبابجیان سینه کریم و اتش اوغلی میکه
و اوغلا قجیان خنچاطور و اوزون اوغلی قالوست
و میسیدیل اوغلی سرکر و پهلو اغوب و واعظ
ماردیروس و کریمیان قره بت و دباغیان اغوب
و سیموخ اوغلی ارتین و کرونی قره بت و دعوی
وکیل ارسین و مکتب خواجه سی شوارش
و افکره لی جوانیان ماردیروس و بویاجیان استپان

و وارنوق اوغلی قاپریل و سیریک قادی و سنان
 اوغلی ارشاق و قزاروسیان کیورق و کل ارتین
 اوغلی قره بت و یچاقچی اوغلی جوان و دایی اوغلی
 عراق کل نام کسمه لر اولدینی و بونلر جمعیت
 فسادیه نک هم مؤسسی و هم مرتب و مشوقلری
 اولقله برابر یافته لری ایصال و ارسال و توزیع
 ایش اولدقلرینی و ایکنجی قسم جنایات فاعل لری
 دخی ارضمان اوغلی اوخانس و قره پارسسیخ
 اوغلی طانیل و قره کولاه اوغلی اوخانس و آشیجی
 پارسسیخ اوغلی کلبنک و محاقیان کیرکور و افه مهران
 و کوشکر اوغلی قزاروس و مرقوم و وارنوق اوغلی
 قاپریل و سیریک قادی و جنون اوغلی سحاق
 و تین اوغلی بدروس ایدوکنی و اوچنجی قسم
 جنایات مدهشه و جرائم فضیحه متجاسر لری دخی
 شرکت فسادیه افراددن اولوب شرکتک تشویق
 و معلوماتیه طاغرده و قیرلرده مسلحاً کشت
 و گذار و ابنای سبیل ایصال کړند و خسار ایل
 اسلام و کورجی نام و قیافتلریله کزوب قتل نفوس
 و نهب اموال و پوسته لره تسلط کبی افعال
 شقاوتکارانه به اجتناسار ایدن مرقوم آشیجی پارسسیخ
 اوغلی کلبنک و کاور هاجی اوغلی پانوس و کزیر
 طروس اوغلی میرجان و بدروس اوغلی میساق
 و کرونلی زاردقیان طروس و ارضمان اوغلی

اوخانس نام اشخاص اوله رق بونلردن پانوس
 و کلبنک و میرجان عربجه روسیجی مهاجر
 کوسه حسنی قتل و اخناق ایلمش اولدقلری کبی
 مرقوموندن کلبنک و طروس مقدا یوزغاد بدایت
 محکمه سنجه بو خصوصدن طولانی محکوم ایدلمش
 اولان لورد اوغلی قصاب و تین اوغلی سرویه ایل
 برابر عثمانجی پوسته سته تسلط ایل چورم دربندی
 ضبطیه سی ابراهیمی قتل ایلمش وینه مرقوموندن
 پانوس و میساق پلاس مملحه پوسته سته تسلط
 ایل قولجی عزتک آت و اقچه سنی و ساعت و هکبه سنی
 اخذ و غصب ایش و مرقوموندن کرونلی طروس
 ایل آشیجی پارسسیخ اوغلی کلبنک مقدا معدن
 پوسته سته تسلطه ضبطیه و سور یجیسی قتل
 و اقچه سنی اخذ و نهب ایش اولدقلرینی
 و مرقوموندن ارضمان اوغلی اوخانس دخی
 فیصریه لی چاوش اوغلی مصطفای قتل و اتلاف
 ایلمش ایدوکنی و دردنچی قسم جنایات فاعل لری
 دخی جمعیات فسادیه به داخل افراددن اولدقلری
 حالد عصیان و اختلاک توسیع و انتشاری ضمننده
 قلماً و عملاً بر طاقم مساعی و غیرتده بولانلر که
 بونلرده پاپاسیان مغر دچ و قره کوز اوغلی آرتین
 و آدر اوغلی قزاروس و وارطان اوغلی مهران
 و دواتیان اغوب و نهایتیان نهایت و ادنان اوغلی

قصاب ماماس و قره کولاه اوغلی اوخانس و قیصر
 اوغلی عوادیس کرمیرلی عربجه بدروس اوغلی
 اوخانس و چولاقیان اغوب و کورکچی عیسه بی
 کیرکور ایدوکنی و بناء علیه متهمون مرقومونک
 کمیسی بر و کمیسی بر قاج نوع جنایات عظیمه نک
 فاعل و مرتکبلری اوله رق جرأت واقعه لرینک
 اسباب و دلائل و اوراق و اشیای مثبتیه سی صره سی
 کلدکجه تعداد و ایراد و ابراز و ارائه اولدقچینی کبی
 اولجه کندی طرفلرینه تبلیغ قلمش اولان
 حقوق عمومیه شاهدلرینک اسامیسی دخی اعطا
 ایتمکده اولدینی بوصله ده ترقیم و توضیح ایدلمش
 اولدیفندن محاکمات مقتضیه قانونیه لرینک اصول
 و نظامنه توفیقاً کمال دقت و عدل و حقانیتله اجرایی
 حسب الوظیفه طلب و دعوی ایلدیکنی بیان و تذکار
 ایلدکن و مذکور شهود بوصله سی جهراً ضبط
 کاتبنه قرائت ایتدیرلدکن صکره و قتل عدم
 مساعدیه سنی مبنی امر محاکمه نک شهر حالک اوننجی
 بازار ایرتسی کونه تعلیق قلندینی افهام
 و متهمون مرقومون توفیخخانه به اعاده و اعزام
 قلمشدر .

فی ۴ ذی القعدة سنه ۱۳۱۰

وفی ۸ مایس سنه ۱۳۰۹

اعضا	رئیس	اعضا	اعضا
توفیق	حسین حسنی	اعضا	اعضا
ضبط کاتبی		اعضا	اعضا
قیس	علی	اونیک	یورکی

رئیس حسین حسنی اعضا احمد توفیق و علی و اونیک
 و یورغلی افندیلر
 سنه مرقومه مایسک اوننجی بازار ایرتسی
 کونی متهمون مرقومون اصولی دائره سنده
 توفیخخانه دن کتوردیلرک و کیل مدافع لری عوافیان
 کیورق و عبا جیان ماماس و شاهنریان قره بت
 و عزت و شاملیان ارتین و عزیزیان ناظم و یوزغادلی
 نظرت و لازاراک و چه چیان اغوب افندیلر یا نلرنده
 اولدینی و مدعی عمومی محمد عارف بک افندی
 حاضر بولندینی حالد دوام محاکمه علیه به ایتدارله
 متهملردن جواهر جیان روپن سویلتدیرلدکده
 بوندن ایکی یجق سنه اول مرزفون مکتبندن نشأت
 ایدرک پروتستان مکتبی معلم لکی ایل قیصریه کلان
 کلبنکیان دیفران ایل اطنه و اعظنک اوغلی علیکساندر
 طرفندن قیصریه ده ارنیلر ادره سنده براتفاق تشکیل
 تصور آنک القاسنه باشلانیلوب کندوسنه اولوقت
 اطنه و اعظنک اوغلی علیکساندر طرفندن وقوع بولان
 تکلیفی قبول ایتامش ایسه ده بر یجق سنه اول
 یچاقچی اوغلی کیرکورک تکلیف و تهدیدی اوزرینه
 دوکمه جیان پارسسیخله برابر الاجه جیان قره بتک
 دکاننده داخل شرکت اوله رق بالاخره شرکتیه
 داخل اولان افرادک اسامیسی الاجه جیان قره بت
 طرفندن بردفتره قید و املا ایتسی و افراد مرقومه دن
 احتیاجات شرکتیه صرف اولتمق اوزره دخویه

وماهیه نامرلیله التمهده اولان مبالغت کندی
طرفندن قبضیه نومرو ترتیبیه بر قاصه دفتری
طوتمی شرکتک ارکانی اولان پاپاسیان کروه
ودوکه جیان پارسینج وجی دلکیان اغوب و مرقوم
الاجه جیان قره بت و کندوسنک رای و تنسیلریله
قرارلشدیریله رق اولوجهله کندوسی قصه دارلق
ایتمش اولدیغنی و مرقومون ایله کندوسی برخیلی
کسانی تشویق ایله شرکت ادخال ایلمش اولدقلری
و شرکت فسادیه نك مرکز اداره سی مرزیفونده
اولوب رئیس و کاتبی منه و واهرام نام مستعارلری
حاز اولان طومه یان و قیایان ایدوکنی مرزیفونله
شرکت بخاراتی ایضیه مأمورایدلمش اولان پاپاسیان
کروه دن ایشتمش اولدیغنی و مرزیفوندن مرقوم
کروه به تعلیمات و نظامات فسادیه و خنچاق غزیه لری
کله رک جمله سی برلکده مطالعه ایتدکن صکره
اوچوز سکر سنه سی اغستوسنده مرزیفوندن بر
مبعوث ایستلیدیکنی کیروینک خبر ویرمی اوزرینه
جمله سنک رای و تنسیلیله و شرکت صندیغندن حر
جراهنک تسویه سیله ارضمان اوغلی اوخانسک
کوندلش و اون بش کون صکره مرقوم اوخانسک
عودتله اوراده شرکت شعبه لرندن کلان مبعوثلرک
اجتماع ایله ویردکلی مقرراتی حاوی برورقه
ایله مرقومک فکرلی ولسانه آشنا اولدیغندن بمحله

کوندریله جک مبعوثک ایشیه یرار طاقدن اولسنه
دقت ایدلمسی حاوی بر مکتوب کتورمش اولدیغنی
و کندی یدنده قالمش اولان قرارنامه یی یافته
وقوعاتی اوزرینه قیصریه متصرفلغه اعطا ایلمش
ایدوکنی و کندولری بوسره ده قیصریه شرکت
امورینی تنظیم ایچون مرزیفوندن بر مأمور
ایسته یه رک انک و رودینه انتظار ایلمکده اولدقلری
صره ده رفقا سیله قیرده بولندقلری برکونده دره ونک
مناستری راهی طانیل طرفندن مناسیره کلان
بر شخصک قیصریه شرکتی آدم لرندن برینی ایستمکده
اولدیغنه دائر کلان خبر اوزرینه ایچلرندن دوکه
جیان پارسینجی کوندردکلری و پارسینجک مناسیره
کلان شخصک نامی اندون رشتونی اولوب آنه دن
کلش شرکت آدمی اولدیغنی و قیصریه به تشکیلات
اجراسی ایچون کلیدیکنی سویلمکده ایدوکی خبر
ویرمی اوزرینه جمله سی برلکده مناسیره کیدرک
کندوسنک حجت افاده سنه تردد کوستمرلینه قارشو
آنه ده فساد قومیه سندن حاز اولدیغنی شهادتنامه یی
ابراز ایلمش ایسه ده کندولری اشبوورقه نك
و حاوی اولدیغنی آنه خنچاقیان اختلال قومیه سی
مهرینک حجت و عدم صحتیه واقف بولندقلرندن
مرقوم اندون رشتونینک شخصک مؤتمن اولدیغنه
کندولرنجه قناعت کلک ایچون شهادتنامه سنک

تدقیق حقنده مرزیفون فساد مرکزینه بر مکتوب
یازهرق اشبو مکتوبیه شهادتنامه یی مرزیفونه
کوندرمک اوزره کندولرینه ویرمش و کندولریده
بولری پاپاسیان کیروی واسطه سیله مرزیفون
هیئت فسادیه سنه کوندیره رک اورادن الدقلری
جوابده شهادتنامه سی تصدیق و مرقوم توصیه
قلمش اولسیله مرقومه شرکتی ایلر و کوتورمک
خصوصنده مذاکره کیرشمش اولدقلری و بوراده
اندون رشتونینک دره ونکده طورمی شبهه یی دعوت
ایتمکده اولدیغنی تالاسلی دعوی و کیلی ارسین طرفندن
سویلمسی اوزرینه پاپاسیان کیروی معرفتیه بر قاج
کون بلاکسیه کوندردکلدن صکره اندون
رشتونینک تالاسلی شوارش ایله اظنه دن معارفه سی
اولدیغنی بیان ایتمسیه شوارشک خانه سنه کتور دکلری
و بر مدت صکره ده تالاسده دخی طورمی او یه میه
جنی کلاشیه رق راهب طانیل ایله ماهیه بریچق لیرا
اجرت ویرمک اوزره مقاوله ایدیلرک بتکرار
دره ونک مناسیرینه اخفایدلمش اولدیغنی و شرکتک
صورت منتظمه ده ترتیبی ضمننده اندون رشتونی
طرفندن قلمه التان قانوتنامه یی الاجه جیان قره بت
وجی دلکیان اغوب و دوکه جیان پارسینج و ارسین
و جباریان سرکز و شرکتک سیار مفتش لرندن
اولدیغنی صکره ا کلادقلری زیرار حاضر اولدقلری

حالده رشتونی طرفندن او قونمش و برخیلی مذاکره
لرده بولمشلر ایسه ده برقرار ویرمه یوب بالکتر شرکت
نامنه رشتونینک تنبیهی وجهله و دوکه جیان پارسینج
معرفتیه کورکچی عیسه یی اوغلی کیر کوره بر مهر
حک ایتدیرمش و اشبو مهر بدلی اولان بریچق مجیده
ایله شرکتک نظامی اقتضاسنجه هر شخصده سلاح
بولنمق ایجاب ایده جکندن و شرکت افرادندن
چولاقیان اغوبک بی قدرت بولدیغندن مرقومه
جی دلکیان اغوب واسطه سیله النمش اولان
روولورک بدلی بولنان ایکی بیچق لیرای شرکت
صندیغندن کندوسنک تسویه ایلدیکنی و شرکتک
یدنده بولنان قاصه دفتری و موجود اقچه سی
کذلک قیصریه متصرفلغه تسلیم ایتمش و اسامی
دفتری الاجه جیان قره بتده و اوراق سائرده ده
دوکه جیان پارسینج یدنده اولدیغنی و قیصریه نك
انتظامی ایچون رشتونی طرفندن قلمه التان تعلیمات
مرزیفون مرکز اداره سندن تدقیق و آنه مرکزندن
تصدیق اولندقدن صکره موقع اجرایه وضع اولنمق
اوزره قرارلشدیریلوب اولوجهله مذکور نظامنامه
مرزیفونه کوندردکلدن صکره کراسیه جیان اغا
پیکک خانه سنده بولندقلری برکیجه ده اندون
رشتونینک اونان اوغلی ماماسله دوکه جیان پارسینج
ایله عثمانلیجه بیلور بر آدمک کلکی حقنده کوندردیکی

ایلامسی ضمنده تهدید وتنبیه ایدیلور اولدیفنی
 و مرز یفوندن کلان محررات منه و واهرام امضالریله
 اولدیفنی پایاسیان کیر و پهن اشمش ایسه ده
 طومه یان وقیایانک ذات وهویتلری کندوسنک
 بیلمدیکنی واندون رشتونیک یاقه لرله برابر اراثة
 ایلدیکی یوزغاد مکتوبنده کی امضایه دقت ایتمش
 اولدیفندن کیمک طرفندن کوندلرش و کیمک
 امضائی محرر اولدیفنی بیله مدیکنی و چولا قیان
 اغویه النمش اولان سلاحک شرکتک امر
 ایده جکی خصوصانده و شقاوتده استعمال اولمق
 اوزره النمش اولدیفنی بیان و بونک اوزرینه
 مرز یفوندن منه و واهرام تاملریله کلان مکتوبلرک
 زیرلرنده کی منه اسمی طومه یان قره بت و واهرام
 اسمی قیایان او خانسک اولدیفنی قیصریه متصرفلغه
 رفقاسیله برابر ویردکری بیاننامه ده صراحة
 ترقیم ایتش اولدقلرندن

مابعدی وار

(مطبعة عامر ده طبع اولمشدر)

خبر اوزرینه مرقوم دوکمه جیان پارسینجه
 کندوسنک دره ونکه کیدوب رشتونی ایله
 کورشد کلرنده یوزغاددن کلش بر مکتوب ایله
 یتش قدر یافته بی اراثة ایله یافته نک سرلوحه سی
 او قوبینجه بونی مقدماً خنجاق غزنه سنده نشر
 اولتمش اعلانلر اولدیفنی بیان ایله یوزغاد مکتوبنده
 یازلمش اولدیفنی اوزره اشوب یافته لردن قرق قدرینی
 کانون اولک یکر می بشنجی جمعه کیچه سی جوامع
 شریفه قبولریله محال سائر یه نشر و تعلیق ایتک
 اوزره دوکمه جیان پارسینجه ویردیکنی و قصورینی
 جوار قرايه تعلیق ایلک ایچون تزدنده ایقویدیفنی
 و مذکور قرق قدر یافته لری دوکمه جیان پارسین
 قیصریه ده مناسب محللره تعلیق ایتدیرمش ایسه ده
 نه صورت ونه واسطه ایله تعلیق ایتدیردیکندن
 معلوماتی اولدیفنی و داخل شرکت اولان اشخاصک
 عددی کندوسننده بولنوب اعطا ایلدیکی قصه
 دفترنده نومرو اوزرینه محرر ایسه ده اسامیسی
 الاجه جیان قره بتده اولان اسامی دفترنده مقید
 اولدیفندن کندوسنجه مجهول ایدوکنی بیان
 و اولان استیضاح اوزرینه کندولری اوتوکنی
 بروکنی شرکته داخل ایتک اوزره تشویقانده
 بولنمشلر سده شرکته دخول ایچون تهدیدانده
 بولنمیوب شرکته دخولدن صکره افشای اسرار